

歷代內侍考

歷代內侍考序

夫當吾世而欲籠罩古初博涉衆代舍往牒其何途之從顧搜
奇剔異徒炫書丹割膾取脣無當小史即手破千卷悉索漢魏
南北之腹皇王神鬼之秘羅而載諸側理總之不過吳楚華胄
即握管文人奉爲駭犀青犢然試一繫其竅會於國家理亂之
故如旁光駟馭之較牲俎無當也余不敏嘗櫛覽千古其間得
夫之林與亡之數史牒所載較若列眉其以閹寺履者閱指可
縷屈閹寺而不基亂者百無一二每觀賜終指虎陪席分虎
阿父門生諸史輒嘆不欲讀讀不欲了即

明興以來鑒古塞亂

二祖已無遺力然默拆書直逆瑾狂保其壽亂之趾亦復後先相錯居恒常苦無深心者囊括往代臚列彪分爲千古立一榜樣獨快吾伯兄給諫氏之有歷代內侍考也家給諫壯歲登朝公輔在望廟遭時坎壈頻年家食環堵一室結志千秋八門塙戶牖皆施筆硯即中壘觀覽茂先博聞恐無以尚而一段忠愛排側之恩時載毫楮常憶出入禁闥時習見彼飾貂璫而處常伯者雖非淫賊未見穢損乃仿小雅巷伯之意祖司馬傳紀之體取往古寺人緝爲全書其有歎繫關切委緒明楚者則區分

之其有蔓引蒂結依襲串合者則棄載之而又逐段另爲論次
蕭以斷案大約挾要而刺處多鉞而少衮則家給求緝是者深
心也書凡數易寒暑始成會余雅閑里居得昕夕追隨相與商
榷古今一日出以相示余幸以片刻新踞恰符十餘年夙衷即
枯腸無能點綴半字乃向之讀不欲了者今讀之輒恐卷盡因
深歎家給求之用心其入殊也非斤斤一藝圃辭壇之仕也如
欲高駝執圃雄跡辭壇夫豈不能繫句鉤玄矜夢花吐鳳之奇
又豈不能裁蒲編柳炫管鼎紫黍之多而必沾沾於內侍考也
其論次內侍也又寧茅腐心扼腕取一二刀鋸餘生永巷小醜

而筆之削之。為刑餘董狐已哉。蓋力剖賢惡。詳分理亂。屬意深遠矣。蓋遠不可多。不可用事。不可。昔令狐綯有言。第有罪勿括。有聞勿補。自漸耗。以至於盡。此雖俟盤據之樂官。賢杜元濫之確論。亦千古有心人乎。不知與家給諫大意雅合。何如也。家給諫素嗜書林。尤耽史冊。是編僅其嚆子。僅與目者。獲賜上方筆札。抽金匱石室之籙。而悉示之。於盛世休明。必另有一番鼓吹。不獨是編為千古榜樣也。余姑引其端。以冀揀總業者。

第一驚序卿父頓首拜者

歷代內侍考叙

古於中官未有傳也有之自范曄始是後代有作者而得失之
林備矣今夫天子盛袞冕御大庭而臨百辟雖中材罔不儼肅
然得毋時有厭若歟及居深宮則所與供使令者唯是二三奄
尹容可憎貌可褻服可枕頤氣可驅祕戲可預日新月劇忽不
覺其甘而易入而頤咲既熟窺矚彌工主強邪柔以揉之主弱
邪剛以制之主察邪巧伺而中之主闇邪幾侮而欺之伏則氣
踞則虎依社負嵎莫所不至赤紱而困於剝削豈一朝一夕之
故哉故君子誦車隣而歎吾夫子之先見也寺人之令其聞聲
稱朕之漸乎噫宦者四星側近帝座天猶望象王者惡得而遠

焉。弟無道而處於此，則無如不孫何耳。乃或謂大臣親戚父子兄弟人主皆不可近，求其差可近者，唯婦寺。嗚呼！世有遠大臣疎親戚，離父子兄弟，區婦寺是近，而曾不底於亂亡者，未之前聞也。矧大臣如掾懿，親戚如莽堅，父子兄弟如幼廣，之倫皆千古希覩，而婦寺之禍固已累累往牒矣。夫唯處之有道，近而能遠，遠而不刻，則怨興不孫，庶可坐而銷乎。聞之周禮：宮正、宮伯、宮人、內宰，率以士大夫為之。且與閹人寺人、內小臣、內豎悉統於太宰，斯其為處之之道哉！於是上稽春秋史漢，并各史列傳。

旁及藩方有國諸奄悉為論次其得失以算法識即不無遺佚
其大較可觀已

萬曆乙卯仲秋遂安逸史毛一公書

蘇易一第

毛一石字明齋遂至人明萬曆己丑進士授漢陽府推官
遷工科給事中以言事罷歸光宗立起芝嶽寺少卿

蘇浙江通志卷五

歷代內侍考目錄

卷之一 春秋內侍考

萬字號

齊監昭

鳳沙衛

賈舉

晉勃鞞 即寺人拔

孟張

宋惠牆伊戾 寺人柳棼

楚管蘇

卷之二 戰國內侍考

萬字號

秦景監

趙繆賢

秦內侍考

趙高

卷之三 西漢內侍考

萬子說

張卿

中行說

蘇大常融

李延年

張賀

徐甲

石顯

弘恭附

史游

卷之四 東漢內侍考

國字說

鄭衆

蔡倫

張程等十人侯李閭劉安

江京樊豐樊豐附

張防張達

良賀

曹騰

卑超等五侯劉晉等附

侯覽

曹節王甫

呂強

張讓趙忠

卷之五三國內侍考

衣字號

漢黃皓

吳何定

晉內侍考 附五胡

董猛

孟玖

漢王沉 宣懷 俞容

郭玆

陵修

秦趙整

燕趙思

卷之六 南北朝內侍考

衣字玆

南朝

宋華願兒

齊徐龍駒

王寶孫

俞三副

張僧胤

朱買臣

王子晉

陳蔣裕

蔡臨光 李善度

北朝

魏宗愛

仇洛齊

段翽翽

王瑤

趙默

孫小 張宗之

張枯

抱嶽秦松

王遜白楚

符承祖

王質 李堅

劉騰賢祭

楊乾

成軌 平李

王溫 孟榮 封津 劉思遠

齊韓買業等

田敬宣

隋內侍考

樊叔畧

卷之七唐內侍考

冠字疏

楊思勗

高力士

邊令誠

李輔國

程元振

魚朝恩

竇文場霍仙鳴

卷之八唐內侍考

冠字疏

劉貞亮吐突承璀

馬存亮

仇士良

楊復光曹知慙

王守澄劉克明

劉承偁

王宗定楊公慶

田令孜

卷之几唐内侍考五代附

拜字說

楊復恭

劉季述王仲先附

韓全誨張彥弘

後唐張承業張居翰

李從襲馬紹宏

楊希聖

孟漢瑛

趙李弘規

前蜀唐文宗宋光嗣等

南漢龔澄

閩林延遇

卷之十宋内侍考

晁子說

寶神寶

王仁睿李神福李神祐

王繼恩

劉承規

閩承翰
石知顯

張崇貴
張孫全彬

張繼龍
鄧守恩

衛紹欽

卷之十一宋内侍考

晁子說

秦翰

周懷政

楊守珍

韓守英

藍繼宗張惟吉

并約吉李奔米

李憲宋用臣

王守規馮世孚

李維和蘇利步

史志聰武繼隆

卷之十二宋內侍考

旒字欽

張茂則陳衍

程昉

高居簡

雷允恭仕守忠

閻文應

童貫

梁師成楊戢

李彥所

卷之十三宋內侍考

旒字欽

邵成章

藍珪康履馮益張去為

白謬

陳源耳昇王德諫

關禮

董家臣

卷之十四遼金元內侍考

疏字玆

遼王維恩趙安仁

金梁琬宗珪潘守恒

元李邦

朴不花

歷代內侍考卷之一

春秋

齊

豎貂

國衍
國崇
國望
國幹
同救

僖公二年秋齊寺人貂始漏師於多魚初齊侯之夫人三王姬徐嬴蔡姬皆無子齊侯好內多內寵內嬖如夫人者六人長衛姬生武孟少衛姬生惠公鄭姬生孝公葛嬴生昭公密姬生懿公宋華子生公子雍公與管仲屬孝公於宋襄公以為太子雍巫有寵於衛共姬因寺人貂以薦於公亦有寵公許之立武孟

管仲卒五公子皆求立僖公十七年冬十月乙亥齊桓公卒易牙入興寺人貂因內寵以殺羣吏而立公子無虧孝公奔宋十二月乙亥赴辛巳夜殯十八年春正月宋襄公以諸侯伐齊三月齊人殺無虧齊人將立孝公不勝四公子之徒遂與宋人戰夏五月宋敗齊師於鹹立孝公而還秋八月葬齊桓公

僖公二年乃齊桓公二十八年也
即易牙武孟即無虧術共姬即長衛姬

論曰蘇明允責管仲垂歿之際區區欲去豎貂易牙聞方而不能薦賢以自代吾以齊廷諸臣孰與仲賢仲不能去三子將以遺之誰子欲去三子莫先豎貂蓋江黃方服齊師已滿

孝公甫屬於宋。雍巫旋進於君。當仲東國時。貂已散然無忌。吳仲胡不蚤見而逆折之也。迨嗟嗟之。狗廟牙宮闌而後慮。其齧我猴而勿使焉。其爲計不太晚乎。生不能制其死命而殛欲行其空言。此必不得之數也。卒之宮中亂而貂復矣。易牙開方可以彈冠而相。屢矣。夫貂之才足以鎮宮中之亂。亦必有過人者。而仲不能蚤爲之計。則垂殛之言亦逆知三子必不可去。姑以塗人耳目而自塞其責云爾。英雄欺人哉。明允又謂有仲則三子者三匹夫。噫。仲所恃僅桓公也。假令桓公而先仲歿乎。吾未知三子之果爲三匹夫也。

夙沙衛

魯襄公二年齊靈公伐萊萊人使正興子賂夙沙衛以索馬牛皆百匹齊師乃還十七年秋齊靈公伐魯獲臧堅靈公使夙沙衛唁之且曰無死堅稽首曰拜命之辱抑君賜不終姑又使其刑臣禮於士^以我決其傷而死十八年冬十月晉平公率諸侯會於晉濟尋溴梁之言同伐齊齊靈公禦諸平陰塹防門而守之廣里夙沙衛曰不能戰莫如守險弗聽諸侯之士門焉齊人多死靈公登巫山以望晉師晉人使司馬斥山澤之險雖所不至必旆而疏陳之使乘車者左寶右偽以旆先興曳柴而從之靈

公見之畏其眾也乃脫歸而寢晦齊師夜直十二月丁卯朔晉
侯入平陰遂從齊師夙沙衛連大車以塞隧而殿殖綽郭最曰
子殿國師背之辱也子姑先乎乃代之殿衛殺馬於隧以塞道
晉州綽及之縛綽最十一年初靈公娶於魯曰顏懿姬無子其
媵駿聲生光以為太子諸子仲子戎子戎子嬖仲子生牙屬諸
戎子戎子請以為太子許之仲子曰不可廢常不祥間諸侯難
光之立也列於諸侯矣今無故而廢之是專黜而以難犯不祥
也君必悔之公曰在我而已遂東太子光使高厚傅牙以為太
子夙沙衛為少傅靈公疾崔杼微逆光疾病而立之光殺戎子

尸諸朝夏五月壬辰賈齊王公卒莊公即位執公子牙於句瀆之丘以夙沙衛易己衛奔高唐以叛秋八月崔杼殺高厚於濮藍而蒸其室慶封圍高唐弗克冬十一月齊侯圍之見衛在城上號之及下問守備焉以無備告揖之乃登聞師將傳食高唐人工僕殖綽會夜縋納師醢衛子伋

論曰小人之情作正惟君夙沙衛一寺人耳而師以賄旋道以伎塞高唐以叛據鬻軍政失壯士而干廢立微聖公之為聖也衛詎至此乎然跋扈之氣至醢不悛毋亦其天性邪嗚呼臧堅以衛唁為辱而高厚與之比肩傳牙其心焉則禮義

之與功利其漸人之效相去遠矣故曰齊一變至於魯魯一變
至於道

賈舉

魯襄公二十五年齊崔武子娶棠姜而美莊公通焉驟如崔氏以崔子之冠賜人侍者曰不可公曰不為崔子其無冠乎崔子因是又以其間伐晉也曰晉必將報欲弑公以說于晉而不獲聞公鞭侍人賈舉而又近之乃為崔子間公夏五月甲辰饗莒子于北郭崔子稱疾不視事乙亥公問崔子遂從姜氏姜入于室與崔子自側戶出公拊楹而歌侍人賈舉止衆從者而入閉門公登臺而請弗許自及於廟弗許公踰牆又射之中股反隊遂弑之

論曰齊莊宣淫無忌崔杼睚眦欲剽刃之日久矣復鞭賈舉而近之二怨構而甲與焉踰牆反隊自作之孽也其猶可活乎賈舉小人不遜而益之以怨將何所不至哉故夫子以非禮不動爲几經之首務在人主自防而已

晉

勃鞞 即寺人拔

僖公五年春晉獻公使寺人拔伐蒲重耳曰君父之命不拔乃
狗曰拔者吾讐也踰垣而走拔斬其袪逐出奔翟僖公二十四
年二月壬寅公子入於晉師丙午入於曲沃丁未朝於武宮戊
申使殺懷公於高梁呂卻畏偁將焚公宮而弑晉侯寺人拔請
見公使讓之且辭焉曰蒲城之役君命一宿女即至其後余從
狄君以田渭濱女為惠公來殺余命女三宿女中宿至雖有君
命何其速也夫袪猶在女其行乎對曰臣謂君之人也其知之

矣若猶未也。又將及難。君命無二。古之制也。除君之惡。唯力是視。蒲人狄人。余何有焉。今君即位。其無蒲狄乎。齊桓公置射鉤。而使管仲相。君若易之。何辱命焉。行者甚眾。豈唯刑臣公見之。以難告。三月。晉侯潛會秦伯於王城。己丑晦。公宮火。瑕甥卻芮不獲公。乃如河上。秦伯誘而殺之。僖公二十五年。晉侯降原。問原守於寺人勃鞞。對曰。昔趙衰以壺飧從。餒而弗食。故使處原。徑猶行也。一連下句讀作經。

論曰。寺人拔大詐而託之乎小忠。閃倏變幻。幾不可方。物哉。夫君命不貳是也。獨不有亂命乎。亂而共之。茲之亂耳。獻公

溺驪姬殺太子復使披割刀於蒲公孰亂焉披即不能諫獨
不可少緩須臾以逸公子乎既曰不貳則垣雖踰公子違未
遠也胡不追而威之而僅以一祛復命乎遠至以示共祛
以示信而逸公子以市德詐哉披也事獻公比獻公事惠公
比惠公武宮甫朝復欲以比二公者比文公讓而辭焉公猶
為能忍矣於是懼之以難惕之以蒲狄挾之以行者之取公
能無悚然動耶蓋至呂却平而公所為比於披者亦無異於
獻惠二公矣噫趙衰公所最親信者也守原之問披逆揣公
意而以裒對又微示以寧殄得之詐哉披也真不可方物者

哉雖然士為寡薪里克中立荀息復言夫三子猶不知所以
忠而何尤乎寺人披

孟張

魯成公十七年十二月晉厲公田與嬖人先穀而飲酒後使大夫穀卻至奉豕寺人孟張奪之卻至射而殺之公曰季子欺余壬午穀三卻皆尸諸朝

季子卻至也三卻卻至卻至也三卻

論曰人臣之義不敢闕君之路焉而刳戕其寺人卻至於是乎不臣矣然田而奉豕則於臣節未虧也孟張以寺人而奪卿佐之獻何居乎厲公第知季子之欺余而不悟孟張之欺季子即欺公也卒之三却就殲而公亦還不踵咒焉安見其

立左石之足恃也

宋

惠牆伊戾 寺人柳附

魯襄公二十六年。初。宋芮司徒生女子。赤而毛。棄諸堤下。共姬之妾取以入。名之曰棄。長而美。平公入夕。共姬與之食。公見棄也。而視之。兀姬納諸御嬖。生佐惡而婉。太子座美而狠。合左師畏而惡之。寺人惠牆伊戾爲太子內師。而無寵。狄楚客聘於晉。過宋。大子知之。請野享之。公使往。伊戾請從之。公曰。夫不惡女子。對曰。小人之事君子也。惡之不敢遠。好之不敢近。敬以待命。敢有貳心乎。從有共其外。莫共其內。臣請往也。遣之。至則欲用。

牲加青黻之而騁告公曰大子將為亂既與楚客盟吳公曰為我子又何求對欲速公便視之則信有焉問諸夫人與左師則皆曰固聞之公因大子大子曰唯左也能免我白而使請曰日中不來吾知死矣左師聞之貽而與之語過期乃縊而死左為大子公徐聞其無罪也乃享伊戾

共姬平公母合左師向戌也夫人即佐母名棄者享烹同

魯昭公六年宋寺人柳有寵太子佐惡之華合比曰我殺之柳聞之乃坎用牲埋書而告公曰合比將納亡人之族既盟於此邽矣公使視之有焉遂逐華合比合比奔衛於是華亥欲代右

師乃與寺人柳比從爲之徵曰聞之久矣公使代之十年冬十二月甲子宋平公卒初元公惡寺人柳欲殺之及長柳藏炭於位將至則去之比葬又有寵

元公即太子佐亡人華臣也

論曰異哉宋公之闇也而伊戾與柳之罔也向戌華亥之比於邪也夫蒍女雖嬖佐固婉也即太子亦信佐能免已則君臣父子兄弟之間初未嘗有幾微之郤而伊戾之無寵於大子又平公所知也享客而請從僞坎而馳告何其果於用罔乎母亦知平公易欺而夫人左師必能實其言故肆然而無忌耳嗚呼君闇於上大臣與內寵比於下而姦人得以行詐

於其間國本安得不傾邪若柳之誣合比則伊戾之故智也
伊戾既烹而猶不悟柳之為誣聞乳其馬雖然元公於柳始
乎惡而卒乎寵耳平公之子哉傳稱其無信而多私則誰謂
佐也而宛也

楚

管蘇

楚共王有疾召令尹曰常侍管蘇與我處常忠我以道正我以義吾與處不安也不見不思也雖然吾有得也其功不細必厚爵之申侯伯與我處常縱恣吾所樂者勸吾爲之吾所好者先吾服之吾與處歡樂之不見戚戚也雖然吾終無得也其過不細必亟遣之令尹曰諾明日王薨令尹即拜管蘇爲上卿而逐申侯伯出之境

論曰常侍而以道義匡王則其功洵非細哉然共王重歿而

後思其功晚矣爵以上卿識者得無繫纓之惜乎

歷代內侍考卷之二

戰國

秦

景監

衛公孫鞅自魏西入秦因秦孝公罷臣景監以求見孝公孝公既見衛鞅語事良久孝公時時腫弗聽罷而孝公怒景監曰子之客妄人耳安足用邪景監以讓衛鞅衛鞅曰吾說公以王道其志不開悟矣後五日復求見鞅鞅復見孝公益愈然而未中肯罷而孝公復讓景監景監亦讓鞅鞅曰吾說公以王道而未

人也請復見鞅鞅復見孝公孝公善之而未用也罷而去孝公
謂景監曰汝客善可與語矣鞅曰吾說公以霸道其志欲用之
矣誠復見我我知之矣衛鞅復見孝公公與語不自知鄰之前
於席也語數日不厭景監曰子何以中吾君吾君之驩甚也鞅
曰吾說君以帝王之道比三代而君曰久遠吾不能待且賢君

趙

繆賢

趙惠王時得楚和氏璧秦昭王聞之使人遺趙王書願以十五城請易璧趙王與諸大臣謀欲予秦秦城恐不可得徒見欺欲勿予即患秦兵之來計未定求人可使報秦者未得官者令繆賢曰臣舍人蔺相如可使王問何以知之對曰臣嘗有罪竊計欲亡走燕臣舍人相如止臣曰君何以知燕王臣語曰臣嘗從大王與燕王會境上燕王私握臣手曰願結交以此知之故欲往相如謂臣曰夫趙強而燕弱而君幸於趙王故燕王欲結於

君今君乃亡走燕燕畏趙必不敢留君而求君歸趙矣君不
如肉袒伏斧質請罪則幸得脫矣臣從其計大王亦幸赦臣臣
竊以爲其人勇士有智謀宜可使於是王召見閼閼相如曰秦
王以十五城易寡人之璧可予不相如曰秦強而趙弱不可不
許王曰取吾璧不予我城奈何相如曰秦以城求璧而趙不許
曲在趙趙予璧而秦不予趙城曲在秦均之二策寧許以負秦
曲王曰誰可使者相如曰王必無人臣願奉璧往使城入趙而
璧留秦城不入臣請完璧歸趙趙王於是遂遣相如奉璧西入
秦相如視秦王無意償趙城乃使其從者衣褐懷其璧從徑道

亡歸璧于趙

論曰昔公叔文子與其臣僕同升諸公孔子贊之曰可以為文繆賢之薦問相如也庶幾近之矣獨惜知勇如相如而其初為賢舍人也蘇子稱其類字道者然觀其始進則猶不失為戰國士哉

秦列傳

趙高

趙高者，諸趙疏遠屬也。趙高昆弟數人皆生隱宮，其母被刑，僇世世卑賤。秦王聞高彊刀，通於獄法，舉以為中車府令。高以私事公子胡亥，喻之決獄。高有大罪，秦王令蒙毅法治之。當高罪死，除其官。錯帝以高之教一作於事也赦之，復其官爵。始皇三十七年十月，行出游會稽，並海上，北抵琅邪。丞相李斯、中車府令趙高兼行符璽，令事皆從始皇。有二十餘子，長子扶蘇以數直諫上，上使監兵上郡。蒙恬為將，少子胡亥愛請從，上許之。餘

子莫從其年七月始皇帝至沙丘病甚令趙高為書賜公子扶蘇曰以兵屬蒙恬與受會咸陽而葬書已封未授使者始皇崩書及璽皆在趙高所獨子胡亥丞相李斯趙高及幸宦者五六人知始皇崩餘羣臣皆莫知也高雅得幸於胡亥欲立之又從蒙毅法治之而不為已也因留所賜扶蘇璽書而謂公子胡亥曰山崩無詔封王諸子而獨賜長子書長子至即立為皇帝而子無尺寸之地為之奈何胡亥曰固也吾聞之明君知臣明父知子父捐命不封諸子何可言趙高曰不然方今天下之權存亡在子與高及丞相耳願子圖之且夫臣人與見臣於人制人與見制於人豈可同日道哉臣聞湯武殺其主天下稱義焉不

為不忠。衛君殺其父而衛國載其德。孔子著之。不為不孝。夫大
行不小。謹威德。不辭讓。鄉曲各有宜。而百官不同功。胡顧小而
忌大。後必有害。狐疑猶豫。後必有悔。斷而敢行。鬼神避之。後有
成功。願子遂之。時乎。時乎。間不及謀。羸糧蹕馬。唯恐後時。胡亥
既然。馮之言。馮曰。不與丞相謀。恐事不能成。臣請為子與丞相
謀之。馮乃謂丞相斯曰。上崩。賜長子書。與會咸陽而立為嗣。書
未行。今上崩。未有知者也。所賜長子書。及符璽。皆在胡亥所定。
太子在君侯與馮之口耳。寧將何如。斯曰。安得亡國之言。此非

人臣所當議也。高曰：君侯自料能孰與蒙恬？功高孰與蒙恬？謀遠不夫孰與蒙恬？無怨於天下孰與蒙恬？長子舊而信之孰與蒙恬？斯曰：此五者皆不及蒙恬，而君責之何深也？高曰：吾國內官之廝役也，幸得以刀筆之文進入秦宮，管事二十餘年，未嘗見秦克罷丞相功臣有封及二世者也，卒皆以誅亡。皇帝二十餘子，皆君之所知，長子剛毅而武勇，信人而奮士，即位必用蒙恬為丞相，君侯終不懷通侯之印，歸於鄉里明矣。高受詔教習胡亥，使學以法事數年矣，未嘗見過失，慈仁為厚，輕財重士，辯於心而誦於口，盡禮敬士，秦之諸子未有及此者，可以為嗣。君

計而定之。斯曰：斯上蔡間卷布衣也。上幸擢為丞相，封為通侯。子孫皆至尊位重祿者，故將以存亡安危屬臣也。豈可負哉？高曰：孟聞聖人遷徙無常，就變而從時，見末而知本，觀指而覩歸。物固有之，安得常法哉？方今天下之權命懸於胡亥，高能得志焉。君聽臣之計，即長有封侯，世世稱孤，必有喬松之壽，孔墨之智。今釋此而不從，禍及子孫，足以為寒心。善者因禍為福，君何處焉？斯乃仰天而歎，垂淚太息曰：嗟乎！獨遭亂世，既以不能死，安託命哉？於是斯乃聽高。高乃報胡亥曰：臣請奉太子之明命，以報丞相。丞相斯敢不奉令？於是乃相與謀詐，為受始皇詔，丞

相立子胡亥為太子更為書賜長子扶蘇曰朕巡天下禱祀名山詩神以延壽命今扶蘇與將軍蒙恬將師數十萬以屯邊十有餘年矣不能進而前士卒多耗無尺寸之功乃反數上書直言誹謗我所為以不得罷歸為太子日夜怨望扶蘇為人子不孝其賜劍以自殺將軍恬與扶蘇居外不匡正宜其謀為人臣不忠其賜死以兵屬裨將王離封其書以皇帝璽遣胡亥客奉書賜扶蘇於上郡使者至發書扶蘇泣入內舍欲自殺蒙恬止扶蘇請復請而後死未暮也使者數趣之扶蘇為人仁即自殺蒙恬不肯死使者即以屬吏繫於陽周使者還報胡亥斯高大

喜至咸陽發喪太子立爲二世皇帝遂殺蒙恬以趙高爲郎中令常侍中用事二世燕居乃召高與謀事謂曰夫人生居世間也譬猶騁六驥過決隙也吾既已臨天下矣欲悉耳目之所好窮心志之所樂以安宗廟而樂萬姓長有天下終吾年壽其直可乎高曰此賢主之所能行也而守亂主之所禁也臣請言之不敢避斧鉞之誅願陛下少留意焉夫沙丘之謀諸公子及大臣皆疑焉而諸公子盡帝兄大臣又先帝之所置也今陛下初立此其屬意怏怏皆不服恐爲變且蒙恬已死蒙毅將兵居外臣戰戰栗栗惟恐不終且陛下安得爲此樂乎二世曰爲之奈

何趙高曰嚴法而刻刑令有罪者相坐誅至收族滅大臣而遠
骨肉貧者富之賤者貴之盡除去先帝之故臣更置陛下之所
親信者近之此則陰德歸陛下害除而姦謀塞羣臣莫不祓潤
澤蒙厚德陛下則高枕肆志寵樂矣計莫出於此二世然高之
言乃更為法律於是羣臣諸公子有罪輒下高令鞠治之故大
臣蒙戮等公子十二人僇死咸陽市十公子死死於社財物入
於縣官相連坐者不可勝數公子高欲奔恐收族乃上書請從
死先帝願葬鄜山之足書上胡亥大說召高而示之曰此可謂
急乎高曰人臣當要死而不暇何變之得謀胡亥可其言賜錢

十萬以葬法令誅罰日益刻深群臣人人自危欲畔者眾又作阿房之宮治直馳道賦歛愈重戍徭無已於是楚戍卒陳勝吳廣等乃作亂起於山東傑俊相立自置為侯王叛秦兵至鴻門而卻李斯數欲請問諫二世不許李斯子由為三川守群盜吳廣等西略地過去弗能禁章邯以破逐廣等兵使者覆案三川相屬誚讓斯居三公位如何令盜如此李斯恐懼重爵祿不知所出乃阿二世意欲求容以書對曰夫賢主者必且能全道而行督責之術者也督責之術設則所欲無不得矣羣臣百姓救過不給何愛之取圖書奏二世悅然樂行督責益嚴稅民深者

為明史殺人眾者為忠臣初高為御史令所殺及報私怨眾多
恐大臣入戰奏事毀惡之乃說二世曰天子所以貴者但以聞
聲群臣莫得見其面故說曰朕且陛下富於春秋未必盡通諸
事今坐朝廷議舉有不當者則見短於大臣非所以示神明於
天下也且陛下深拱禁中與臣及侍中習法者行事事未有以
揆之如此則大臣不敢奏疑事天下稱聖主矣二世用其計乃
不坐朝廷見大臣居禁中高帝侍中用事事皆決於高帝聞李
斯以為言乃見丞相曰關東群盜多今急發繇治阿房宮聚狗
馬無用之物臣欲諫為位賤此真君侯之事君何不諫李斯曰

固也吾欲言之久矣今時上不坐朝廷上居深宮吾有所言者不可傳也欲見無間高謂曰君誠能諫請為君候上間語君於是高待二世方燕樂嬪女居前使人告丞相方上間可奏事丞相至宮門止謁如此者三二世怒曰吾常多間日丞相不來吾方燕私丞相輒來請事丞相豈少我哉且固我哉高因曰如此殆矣夫沙丘之謀丞相與焉今陛下已立為帝而丞相貴不益此其意亦望裂地而王矣且陛下不問臣臣不敢言丞相長男李由為三川守楚盜陳勝等皆丞相傍縣之子以故楚盜公行過三川城守不肯擊高聞其文書相與來未得其書故未敢以

聞且丞相居外權重於陛下二世以為然欲杀丞相恐其不審
及使人案丞相三川守具盜通狀李斯聞之是時二世在耳泉方
作敵抵敵抵即敵復辭之觀李斯不得見因上書言高之短二世
已前信高恐李斯救之乃私告高高曰丞相所患者獨高而已
死丞相即再為曰帝所為於是二世乃使高案丞相獄治罪責
斯與子由謀叛狀皆收捕宗族賓客高治斯榜掠不勝痛自誣
服斯所以不死者自負其辯有功寔無反心幸得上書自陳幸
二世之寤而赦之李斯乃從獄中上書高使吏棄去不奏曰囚
安得上書高使其客十餘輩詐為御史謁者侍中更往覆訊斯

斯更以其寔對。輒使人復榜之。後二世使人驗斯。斯以為如前。終不敢更言辭。服奏當上。二世喜曰。微趙君。幾為丞相所賣。及二世所使案三川之守。至則項梁已擊殺之。使者來會丞相下。吏高皆妄為反辭。二世二年七月。具斯五刑。論斬腰。咸陽市。夷三族。李斯已死。二世拜馮為中丞相。爭無大小。輒決於馮。馮自知權重。乃獻鹿。謂之馬。二世問左右。此乃鹿也。左右皆曰馬也。二世驚。自以為惑。乃召太卜。令卦之。太卜曰。陛下春秋郊祀。奉宗廟鬼神。齋戒不明。故至於此。可依威德而明齋戒。於是乃入上林。齋戒。日游弋獵。有行人入上林中。二世自射殺之。高赦其

文時成陽令問樂劾不知何人賊殺入移上林高乃諒二世曰
天子無故賊殺不孝人此上帝之禁也鬼神不享天且降殃當
速避宮以祿之二世乃出居望夷之宮留三日高詐詔衛士令
士皆素服持兵內廊入告二世曰山東群盜兵大至二世上觀
而見之恐懼高即劫令自殺引璽而佩之左右百官莫從上殿
殿欲饗者三高自知天弗與群臣弗許乃召始皇弟授之璽子
嬰即位患之乃稱疾不聽事與宦者韓談及其子謀殺高高上
謁請病因召入令韓談刺殺之夷其三族

論曰夫武晝伏而夜動鵠鵲晝暝而夜明小人黷罔亦每每

伺聞主而竊發焉。趙高有始皇時進秦宮。泣事二十餘年。不聞有所顛覆。蓋始皇暴酷而能撓權。雖無道。稱尊祭矣。及沙丘。要駕而矯詔。易儲。高遂惟其所欲。雖以李斯之機智。玩弄而夷滅之。不啻嬰兒然。又況夢夢如胡亥者乎。指鹿求蒲。彼直以聞主戲耳。天下之口。奚待至是始緝也。嗚呼。古之帝王。明四目。達四聰。十起三推。以通天下之情。而猶懼其壅而闕。第以聞聲為貴邪。夫君而日與在臣隔。則未有不及於禍者也。亡秦者。胡。殷鑒不遠已。

歷代內侍考卷之三

西漢

張鄉

一名澤一名釋又名張釋家初云釋澤二字不知何從疑鄉是字釋其名也

高后時齊人田生游乏資以畫奸營陵侯劉澤澤大說之用金二百斤為田生壽田生已得金即歸齊二歲澤使人謂田生曰弗與矣田生如長安不見澤而做大宅令其子求事吕后所幸大謁者張鄉居數月田生子請張鄉臨視脩具張鄉往見田生帷帳具置如列侯張鄉驚酒酣延房人說張鄉曰臣觀諸侯邸第百餘皆高帝一切功臣今吕氏雅故本推轂高帝就天下功

至大又有親戚太后之重太后春秋長諸呂弱太后欲立呂產
為呂王王代呂后又重然之恐大臣不聽今卿取幸大臣所敬
何不風大臣以問太后必喜諸呂已王萬戶侯亦卿之有太后
心欲之而卿為內臣不急發恐禍反身矣張卿大然之乃屈大
臣語太后太后朝因問大臣大臣請立呂產為呂王太后賜張
卿千金張卿以其半進田生田生弗受因說之曰呂產王也諸
大臣未大服今營陵侯澤諸劉長為大將軍獨此尚缺望今卿
言太后裂十餘縣王之彼得王喜於諸呂王益固矣張卿入言
之又太后女弟呂嬃女亦為營陵侯妻故遂立營陵侯澤為琅

邪王高后八年春封中謁者張敖卿為列侯諸中官宦者皆賜爵關內侯食邑秋七月太后崩八月釋免

論曰高帝之約非劉氏不王故高后心欲王諸呂而重發也誠懼非先帝約大臣不我聽耳及張卿入田生之畫而大臣沐於張卿之風諸呂之王決矣然則卿一言而遂得后之欲敗高帝之盟開宦者封侯之端而厚諸呂翦滅之毒遠北軍既入則誦去少帝執戟者以為有全地漢文不誅而僅免其侯封何哉雖然微曰生則卿之智固不及此生真戰國傾危之士哉

中行說

匈奴老上稽粥單于初立文帝復遣宗人女翁主為單于閼氏使臣者燕人中行說傳翁主說不欲行漢強使之說曰必我也為漢患者中行說既至因降單于單于愛幸之初單于好漢繒絮食物中行說曰匈奴人眾不能畜漢之一郡然所以強之者以衣食異無仰於漢今單于變俗好漢物漢物不過什二則匈奴盡歸於漢矣其得漢絮繒以駝草絛中衣袴皆裂弊以視不如旃裘堅善也得漢食物皆去之以視不如重糒同酪之便美也於是說教單于左右說以計識其人眾畜牧漢遺單于書

以尺一牘辭曰皇帝敬問匈奴大單于無恙所以遺物及言語
云云中行說令單于以尺二寸牘及印封皆令廣長大倍驚其
辭曰天地所生日月所置匈奴大單于敬問漢皇帝無恙所以
遺物言語亦云云漢使或言匈奴俗戒老中行說窮漢使曰而
漢俗已戒從軍當發者其親豈不自奪溫厚肥美齎送飲食行
者乎漢使曰然說曰匈奴明以攻戰為事老弱不能鬥故以其
肥美飲食壯健以自衛如此父子各得相保何以言匈奴輕老
也漢使曰匈奴父子同穹廬卧父死妻其後母兄弟死盡妻其
妻無冠帶之節關皮之禮中行說曰匈奴之俗食畜肉飲其汁

衣其皮。畜食草飲水。隨時轉移。故其急則入習騎射。寬則入樂
無事。約束輕易行。君臣簡可久。一國之政。猶一體也。父兄死。則
妻其妻。惡姓之失也。故匈奴雖亂。必立宗種。今中國雖陽不
取其父兄之妻。親屬益疎。則相殺。至制易姓。皆從此類也。且禮
義之敝。上下交怨。而室屋之極。生刀屈焉。夫力耕桑以求衣食。
築城郭以自備。故其民急。則不習戰攻。緩則罷於作業。嗟。土室
之人。頗其喋喋。佔佔冠。固何富。自是之後。漢使欲辯論者。中行
說輒曰。漢使無多言。顧漢所輸匈奴繒絮米藥。令其國中必善
美而已。何以言為乎。且所給備善則已。不備善而若惡。則候秋

熟以騎馳逐緣牆也。日夜教軍于侯利害處。孝六十四年。匈奴單于十四萬。入朝那蕭關。殺北地都尉。掠虜人民畜產甚多。遂止彭陽。使騎兵入燒回中宮。侯騎至雍甘泉。於是文帝以中尉周舍郎中令張武為將軍。發車十乘。十萬騎。軍長安。旁以備胡寇。而拜昌侯盧卿為上郡將軍。肩侯魏遼為北地將軍。蔭盧侯周窳為隴西將軍。東陽侯張敖如為大將軍。成侯董赤為將軍。大發車騎往擊。匈奴于留塞內。月餘。漢逐出。即還。不能有所殺。匈奴日以驕。歲入邊。殺畧人民甚眾。雲中遼東最甚。郡萬餘人。漢甚患之。使使遺匈奴書。單于亦使當戶報謝。復言和。

親事孝文後四年老上單于死子軍臣單于立而中行說復事之漢復興匈奴和親單臣單于立歲餘匈奴復絕和親大人上郡雲中各三萬騎所殺略甚眾於是漢使三將軍屯北地代屯句注趙屯飛狐口緣邊亦各堅守以備胡寇又置三將軍長安西細柳渭北棘門霸上以備胡胡騎入代屯邊烽火通於甘泉長安數月漢兵至邊匈奴亦遠塞漢兵亦罷

論曰人臣委身事主夷貊惟命忠敬自將雖之夷狄不可棄也中行說以強傅翁主之憾反而事虜日夕教而導之卒爲漢患夫豺獺猶知報本而說乃蔑億萬君民罔故國戢然無

所顧忌直躬貌耳人謂李陵衛律罪通於天以說所爲其又
李衛之罪人也雖然此亦足以發明和親之無益矣吾不意
敏達如高祖而過聽建信之策貽後世無窮之患也

蘇文常融

文帝時趙談以星氣幸北宮伯子長者愛人故親近武帝時每
行幸常以後事付太子然帝用法嚴太子寬多平反雖得百姓
心而大臣深酷用法者皆不悅背毀之黃門蘇文常融等嘗微
伺太子過輒增加白焉帝頗不悅或以謂太子太子曰第勿為
過何畏文等上聰明不信邪會帝小不平使融召太子融言太
子有喜色帝默然及太子至帝察其貌有涕泣處而佯笑語如
平時大憐之乃誅融及巫蠱事起使者江充持太子急太子懼
不知所出從傅石德計捕斬充白皇后後長樂宮衛卒自衛蘇

大懼亡走甘泉白帝言狀帝曰太子獨恐懼又忿死等故至此
尚無意深罪之也使召太子使者不敢進歸報云太子反已
成欲斬臣臣逃歸帝乃大怒發三輔近兵詔丞相將之捕斬反
者太子敗亡匿泉鳩里自經死後帝頗知太子惶恐無他意會
高寢郎田千秋上急變訟太子死帝大感悟立拜千秋為大鴻
臚而族滅江充家焚蘇文於橫橋上作思子宮為歸來望思之
臺於湖

論曰父子天性而武帝又明威之主也蘇大常融敢以不根
之譖離間英主之骨肉無亦知帝之多欲有所藉而動乎堯

母名門子夫恩替太子曰岌岌矣木朽蠹生又何怪焉亂國
若趙虜者直乘其蠹朽而伐之耳惜矣多欲之貽禍烈也昔
袁盎心害趙談而以定辱推之夫君如文帝即百趙談亦未
必能行其毀也請令當武帝時父子猶不可保而況君臣之
際乎

李延年

李延年中山人身及父母兄弟皆故倡也延年坐法厲刑給事
狗監中女弟得幸於上號李夫人列外戚傳延年善歌為新變
聲是時上方興天地諸祠欲造樂令司馬相如等作詩頌延年
輒承意弦歌所造詩為之新聲曲而李夫人產昌邑王延年繇
是貴為協律都尉佩二千石印綬而興上卧起其愛幸埒驛媽
久之延年弟李興中人亂出入驕恣及李夫人卒後其愛弛上
遂誅延年兄弟宗族

論曰李延年歌傾城進女弟遂致貴寵受幸封於韓嫣矣及弟李一不謹俱陷大僇而家被之訢竟不能堅帝之恩帝稱雄才不虛耳雖然丞相繇邪穢誅太子用蘇文死陶寺之口可畏哉故曰投之有北有北不受而青蠅得止於樊則浸潤膚受之行易矣此有虞氏所為察於通言也

張賀

張賀者安世兄也。賀幸於衛太子。太子敗。賓客皆誅。安世為賀上書。得下。璽室後為掖庭令。而宣帝以皇曾孫收養。掖庭賀內傷太子無辜。而曾孫孤幼。所以視養。增循恩甚密焉。及曾孫壯。大賀教書。令受詩。為取許妃。以家財聘之。曾孫數有微怪。語在宣紀。賀聞知。為安世道之。稱其材美。安世輒止。以為少主在上。不宜稱述。曾孫及宣帝即位。而賀已死。上謂安世曰。掖庭令平生稱我將軍止之是也。上追思賀恩。欲封其冢。為恩德侯。置守冢二百家。賀有一子蚤死。無子。子安世。小男彭祖。彭祖又小。與

上同席研書指欲封之先賜爵關內侯故安世深辭賀封又求
損守冢戶數稍減至三十戶上曰吾自為掖庭令非為將軍也
安世乃止不敢復言遂下詔曰其為故掖庭令張賀置守冢三
十家上有處置其里居家西閭雞翁舍南上少時所嘗游處也
明年復下詔曰朕微眇時故掖庭令張賀輔道道讀朕躬修文
學經術恩惠卓異厥功茂焉詩云無言不讎無德不報其封賀
弟子彭祖為陽都侯賜賀謚曰陽都哀侯時賀有孤孫霸年七
歲拜為散騎中郎將賜爵關內侯食邑三百戶

論曰張賀不死於衛太子天也夫賀幸於太子者也當太子

弄兵長安。天子震怒。任安以二心誅。田仁以故縱誅。暴勝之
以擅止誅。諸賓客嘗出入宮門者。一切以太子誅。而賀願得
下登室。後又得為掖庭令。親奉皇曾孫。豈非天乎。賀所為盡
心於曾孫者。寔以舊恩故。非有它望。而及其見徵。怪數稱材
美。則意不能無幾幸矣。其語許晉夫曰。曾孫體近下人。乃閹
內侯斯亦足以窺其微哉。然則其死亦始之前。亦天也。儒及
見宣帝即位。安知其不德色。而與許史比乎。班史傳佞幸。而
綴張彭祖於叙中。有以也。

徐甲

齊屬王次昌其母曰紀太后太后取其弟紀氏女為王后王不愛紀太后欲其家重罷令其長女紀翁主入王宮心其後宮無令得近王欲令愛紀氏女王因與其姊翁主姦齊有宦者徐甲入事漢王太后皇太后有愛女曰修城君修城君非劉氏子太后憐之修城君有女城太侯欲嫁之於諸侯宦者甲乃請使齊必令王上書請城皇太后大喜使甲之齊時主父嫪知甲之使齊以取后事因謂甲即事成幸言偃女願得充王後宮甲至齊風以此事紀太怒曰王有后後宮備具且甲齊貧人及為宦者

入事漢初無補益乃欲亂吾王家且主父偃何為者乃欲以女
充後宮甲大窮還報皇太后曰王已願尚娥然事有所害恐如
燕王燕王者與其子昆弟姦坐死故以燕感太后太后曰毋復
言嫁女齊事事寔淫聞於上主父偃由此與齊有隙偃方幸用
事因言齊臨蕩十萬戶市租千金人眾殷富鉅於長安非天子
親弟愛子不得王此今齊王於親屬益疏乃從容言呂太后時
齊欲反及吳楚時孝王幾為亂今聞齊王與其姊亂於是武帝
拜偃為齊相且正其事偃至齊急治王後宮宦者為王通於姊
翁主所者辭及王王年少懼以罪為吏所執誅乃飲樂自殺

齊厲王悼惠王曾孫也修成君王太后初嫁金氏所生女也
論曰嗟乎徐甲之禍齊也夫皇太后憐愛修成君而欲嫁其
女於諸侯也將第以王后榮之子則齊王有后矣抑欲諸侯
寵愛其女乎則齊王有后而弗愛矣紀太后又必欲王之愛
其后也而使翁主正其宮矣固肯聽甲而請修成君女乎即
幸而聽甲請修成君女然以紀太后為之母妙翁主為之正
其宮猶不能強王之愛紀女而皇太后能便修成君之女必
愛乎然則甲之策聽與不聽無一可者也而祇足以禍齊雖
修却自主父偃而甲其戎首哉其後偃誅而不聞甲處於法

者幸也

石顯 弘恭附

石顯字君房濟南人弘恭沛人也皆少坐法厲刑為中黃門以選為中尚書宣帝時任中書官恭明習法令故事善為請奏能稱其職恭為令顯為僕射元帝即位數年恭死顯代為中書令是時元帝被疾不親政事方隆好於音樂以顯久典事中人無外黨精專可信任遂委以政事無小大因顯白決貴幸傾朝百僚皆敬事顯顯為人巧慧習事能探得人主微指內深賊持詭辯以中傷人忤恨睚眦輒被以危法初元中前將軍蕭望之及光祿大夫周堪宗正劉更生皆給事中望之領尚書事知顯專

權邪辟走白以為尚書百官之忤國家搃欲宜以通明公正處之武帝游宴後庭故用宦者非古制也宜罷中書宦官應古不近刑人元帝不聽薛是大興顯忤後皆害為望之自殺堪更生廢銅不得復進用語在望之傳後太中大夫張猛魏郡太守京房御史中丞陳咸待詔賈捐之皆嘗奏封事或召見言顯短顯求索其旱房捐之棄市猛自殺於公車咸抵旱髡為城旦及鄭令蘇建得顯私書奏之後以它事論死自是卿以下畏顯重足一迹顯與中書僕射李梁少府五鹿充宗結為黨友諸附倚者皆得寵位民歌之曰牢邪石邪五鹿客邪印何累累綬若若邪

言其無官據劾也顯見左將軍馮奉世父子爲公卿著名女又
爲胎儀在內顯心欲附之薦言昭儀兄謁者遂修勅宜侍帷幄
天子召見欲以爲侍中遂請問言事且聞遂言顯顯權天子大
怒罷遂歸郎官其後御史大夫缺群臣皆舉遂兄野王行能第
一天子以問顯顯曰凡卿無出野王者然野王親昭儀兄臣恐
後世必^以陛下度越衆賢松後宮親以爲三公上曰善吾不見是
廼下詔嘉美野王廢而不用語在野王傳顯內自知擅權事柄
在掌握恐天子一旦納用左右耳目有以間也已廼時歸誠取
一信以爲驗顯嘗使至諸宮有所欲發顯先自白恐後漏盡宮

門閉請使詔吏開門上許之顯故投夜還稱詔開門入後果有
人上書告顯顯命矯詔開宮門天子聞之笑以其言示顯顯曰
泣曰陛下過私小臣屬任以事群下無不嫉妬欲陷害臣者事
事類如此非一唯獨明主知之愚臣微賤誠不能以一軀稱快
萬眾任天下之怨臣願歸樞機職受後宮掃除之後死無所恨
唯陛下哀憐財幸以此全活小臣天子以為然而憐之數勞勉
顯加厚賞賜及賂遺等一萬萬初顯聞眾人勾勾言已殺前將
軍蕭望之望之當世名儒顯恐天下學士妒已病之是時明經
者節士瑯邪貢禹為諫大夫顯使人致意深自結納顯因薦禹

天子厯位凡卿至御史大夫禮事之甚備議者於是稱顯以為
不姑諸望之矣顯之設變詐以旬斛免取信人主者皆此類也
元帝晚節廢疾定陶恭王愛幸顯擁祐太子顯有功元帝崩成
帝初即位遷顯為長信中太僕秩中二千石顯失倚離權數月
丞相御史條奏顯舊惡及其重牢梁陳順旨免官顯與妻子徙
故鄉憂滿滿請不食道病死諸所交結以顯為官廢罷少府五
鹿充宗左遷玄菟太守御史中丞伊嘉為鴈門都尉長安謠曰
伊徙鴈鹿徙菟去牢與陳賁無實賁請
論曰易之九五賁請所謂以陽剛居尊者也而不能不危陞於

夫剝削於困險哉。小人何其易溺而難御乎。漢興中官用事始自恭顯而予恭顯以操柄者宣帝也。帝起民間張賀許廣漢皆素樹德於帝者。帝遂謂此輩率皆可信而恭明法令顯善探人主微指又足以逢帝而中其欲故不覺挈政柄予之而卒以其禍惜哉。論者謂帝閔三大勳然自武帝時業已任中官典尚書相魏其武安貴大將軍青而大臣自丞相而下往往不得其死則帝持不善於法祖耳。譽周不聞於帝也。夫武宣非剛明之主乎。易之為戒於九五有以哉。若元帝又吳貴焉。趙陽耗於少壯及其奄奄且就死而責以攝生此之不知類。

史游

元帝時史游爲黃門令勤心納忠有所補益其所著有急就篇行於世

論曰真文忠有言是時石顯兇執樞機肆爲姦慝而游乃勤心納忠有所補益賢矣哉嗚呼以優柔之孝元當頡頏之石顯自大臣不得聞其忠而游安所補得益邪乃其志則足嘉矣